

Guangjisi Minzcu Bau

ganhhau: CN45-0036 B.2017 Nd.3 Ng.29 liggaeuq dingyoux nienz ndwensam co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3267期

Swcigih Minzcu Gunghcoz Veijyenzvei Hai Aen Hoih Daengxcungq Veijyenz Bi 2017

自治区民族工作委员会召开 2017 年全体会议

Bonjbauq siusik (gicej Cau Dwzfeih) 3 nyied 23 hauh banhaet, Swcigih Minzcu Gunghcoz Veijyenzvei hai aen hoih daengxcungq veijyenz bi 2017, cunggez doxgyau gij hong minzcu bi 2016, anbaiz hong minzcu bi 2017. Swcigih Dangiveij cangzveij, Dungcanbu buchangj, Minzcu Gunghveij cujyin Cau Dwzmingz camgya hai hoih caemhcaiq gangjavah. Aen hoih youz Swcigih Minzcunghveij dangcuj suhgi, Minzcu Gunghveij fucujyin Luz Yenbenj cujiz.

Cau Dwzmingz cungfaen haengdingh gij cingzci hong minzcu gih raeuz bi 2016 aeundaej haenx. De naeuz, gak gaep bumwnz guhhong minzcu caeuq Swcigih Minzcu Gunghveij gak veijyenz danhvei aeu hagsib gvancez baenzdaug gangjavah yougaenj Siz Gimbings cungsuhi daegbied dwg gij cingsaenz baenzdaug gangjavah yougaenj gvendaengz hong minzcu haenx, gaenjdaet hopheux doidoengh gij cingsaenz aen hoih hong minzcu cunghyangh diuz cawjsienq neix, ciuq gak hangh gezcwz anbaiz cunghyangh caeuq swcigih gvendaengz hong minzcu haenx, doed ok cungdenj, yungh diemj daiq mienh, haenqrengz guh ndei gak hangh hong, vih saedyienh "daengx ranz caen Cunghvaz minzcu, caemh sim caez hwnjguh siengjmuengh Cungguk" caeuq hwnjguh dieg guhyienh minzcu doxgiet cinbu guh ok gungyen gaenxmaenx, hong minzcu daengx gih hamj hwnj mbaek lae moq, aeundaej cingzci moq, rom ndaej



gingniemh moq.

Cau Dwzmingz giengzdiuh, aeu youq gij giekdae hong minzcu aeundaej cingzci haenx, gikfat gyoengq boux guhhong minzcu daengx gih mbouj lumz goek, laebdaeb baenaj, doidoengh minzcu doxgiet cinbu saehnieb gih raeuz hwnj mbaek lae moq. Aeu cienzmienh gvancez minzcu cwngcwz dangj, yaengxsang mbaw geiz gak minzcu doxgiet, sonyinx vunzlai gak cuz daengx gih gyagiengz nyinhhawj guekcoj hungmbwk, Cunghvaz minzcu, vwnzva Cunghvaz, Cungguk Gungcanjdangj, yiengh sevei cujyi miz Cungguk daegsaek, cietsaed gyagiengz yisiz cwngci, yisiz daengx buenz, yisiz haedsim, yisiz yawjcoh, maenhmaenh gaemdawz gij diuh onjyamq baenaj, yungh gvancez doeksaed gij cingsaenz aen hoih hong minzcu cunghyangh guh cawjsienq, haenqrengz coicaenh gak minzcu

doxgyau dox baedauq doxyungz, haenqrengz gyavaiq yamqdin dieg comzyouq siusiq minzcu vut gungz baenz miz buet siujganh, haenqrengz doidoengh hongsaeh minzcu fapleix fapceih.

Cau Dwzmingz iugouz, naj doiq hingzsei moq, yinvu moq, raeuz aeu daj gij dohsang henhoh minzcu doxgiet, coicaenh gwnzbiengz huzndei, caux "sam swnghdai hung", saedyienh "song aen guhbaenz" moegbiu, cungfaen roxyiuj gij yougaenjsingq caeuq ginjbwzsing, caenh'itbough gyagiengz cwzyinganj caeuq ginjbwzganj, giendingh saenqsim caeuq gietsim, engqgya gaenxmaenx cawjdoengh bae guh ndei, guh cietsaed gak hangh hong.

Gwnz hoih, Swcigih Dangiveij Cujizbu daengj 7 aen veijyenz danhvei faenbied doxgyau gangjavah. Veijyenz, bouxlienzhah 33 aen veijyenz danhvei camgya hai hoih.

Namzningz: Ndwenndwen Yienj Vwnzva Conzdungj Minzcu Ndae Bouxmaez Haenh

南宁: 民族传统文化月月演受戏迷追捧

3 nyied 18 hauh, daihgingz Heiqbegvah baij baihnanz 《Muzlen Gouq Meh》 youq Aen Heiqciengz Gizdieg Yisuz Minzcu Namzningz Si yienj, neix dwg ndwenndwen yienj "yaem Heiqbegvah Namzningz" bi 2017 ciengz daihsam yienjok. Dangguh dieg yienjok leih beksingq Namzningz Si, ndaej daengz bouxmaez haenhndei.

Daihgingz Heiqbegvah baij baihnanz 《Muzlen Gouq Meh》 ndaej haenh baenz heiq daenj buhvaq ciuhgeq daengzdae dauqgvi ndaw rungj Heiqbegvah gaeuqgeq haenx,

dwg gij cozbij daiqbiuj Heiqbegvah baij baihnanz, louz miz haujlai heiq baizciengz conzdungj caeuq goengfou baij baihnanz, gig miz funggek baij baihnanz mingzbej. Yienj heiq seiz langhbaij gij goengfou foux genbuh caeuq dinfwnz "caijgyauh" nem "canjyiz" "diuqdaiz" daengj dinfwnz Heiqbegvah daegbied gagmiz haenx.

Ngoenzhaenx yienjok yinx ndaej haujlai bouxyawj bouxcoz, gyoengqde dingzlai dwg daihhagseng youq hag, biujyienj heiq conzdungj ndaej baenzneix angqcoux, youq Namzningz

noix raen.

Gaenh bi neix daeuj, Namzningz doi ok ndwenndwen yienj "yaem Heiqbegvah Namzningz" dingh dieg yienjok caeuq dingh seiz yienjok, caemhcaiq saedhengz gij vunqsik comzyienj leih beksingq yienjok. Siminz yungh sinhfwnwng bae daengz Aen Heiqciengz Gizdieg Yisuz Minzcu Namzningz Si couh ndaej lingx biuq yawj heiq mbouj aeu cienz, vihneix ndaej daengz bouxmaez haengjgyaez.

(Yangz Gingbingz/颜庆平)

SIUSIK DINJ

简讯

● 3 nyied 25 hauh, "swncienz vwnzva Bouxcuengh caez angqhoh sam nyied sam" —bouxcoz nyezrauh soujfuj Mbanjcuengh angqhoh sam nyied sam minzsuz conzdungj cawjdae hozdung youq Aen Cungsim Hozdung Bouxcoz Nyezrauh Namzningz Si banh. Minzsuz biujyienj, daejniemh hozdung lai cung lai yiengh, yinx ndaej cien boux doxhwnj bouxcoz nyezrauh daengx si daeuj camgya.

(Bangz Linaz)

● 3 nyied 25 hauh, Cungguk-Dunghmungz vwnzva ndangdaenj lijyiz conzdungj comzyienj youq Namzningz banh, hozdung seiz, langhbaij le gij vwnzva ndangdaenj caeuq lijyiz hauq caen gyo' mbaei aencingz, buhvaq lijyiz conzdungj siusiq minzcu Guengjsae daengj. Baez hozdung neix, vih Cungguk caeuq guekgya Dunghmungz lijyiz caeuq vwnzva ndangdaenj daphwnj le aen bingzdaiz doxgyau he, coicaenh doxgyau vwnzva Cungguk caeuq guekgya Dunghmungz.

(Ciengz Sezlinz)

● 3 nyied 25 hauh, vwnzmbanj Mbanjsangmuz Hozmuz Cin Yungzsuij Myauzcuz Sweiyen youq doenghnaz nyaengq guh hong. Ngoenzhaenx, fwn ngamq dingz ok ndit, raemx gaeuq lai, bouxguhnaz dangdieg gaemdawz seiz guh hong neix, bae ndaw reih ndaw naz guh hong rauq naz, dwk bwnh, roengz faen daengj, doenghnaz gvangqlangh nyaengqnyinyi.

(Lungz Linzci)

● Bi' gvaq doxdaeuj, youq henz roen bakgemh Veizhauj Fanzcangh Cunh Licouh Yauzcuz Yangh Denzlinz Yen, vunzlai dangdieg dawz doengh-gij byaekcw byaekginzcai qcw, byaekvaeq, rangz bya maj youq dieg bya sang 1000 lai mij daengj gak cungj gak yiengh, baij youq aen dan faex haenx gai, miz haujlai vunz gvaq roen cungj haengjgyaez, doxciengj bae cawx, baenz diuz roen ndaej souhaeuj moq.

(Fungz Cunhyinz Luz Anhbingz)